

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sectio I. Modus loquendi per characteres à nonnullis rejicitur.

urn:nbn:de:hbz:466:1-13718

DISPUTATIO LXXV.

De locutione Angelorum.

I.
Loqui inter
se Angelos
posse, est in-
dubitatum.

DISPUTATIONE precedente diximus posse unum Angelum ex consensu alterius, intimas illius cogitationes cognoscere, imò indubitatum est Angelos inter se loqui, sibiique suos invicem conceptus manifestare posse: hoc enim ad perfectionem natura rationalis pertinet, ut sicut ea prediti alios interna sui cordis celare possunt, & illa secreta servare, que occulta esse volunt; ita, & dum volunt, ut ea aliis manifestent.

II.
Quamvis
in corpori-
bus assump-
tis induc-
tur sapè lo-
quentes, tamen ad
loquendum
non indiget.

Hanc etiam communicationem de facto inter Angelos intercedere, nulli dubium est, & sapè in Scripturis traditum: sic Apostolus prime ad Corinthios 13. vers. 1. Si linguis, inquit, hominum loquar & Angelorum: Angelus clamavit quatuor Angelis, quibus datum est nocere terrae & mari; Apocalypsis cap. 7. vers. 2. Et si vero inducantur sapè loquentes sibi invicem in corporibus assumptis ut ab hominibus audiri possint, nihilominus ut inter se loquantur, corporibus non indigent, tum quia ea naturaliter non habent, tum quia si soli Angeli fuissent creati, & nulla res corporea, inter se colloqui & agere potuissent. Denique cum natura sint purè spiritualis, non est cur loqui inter se, & modo purè spirituali conversari nequeant.

III.
Quo autem
modo loqua-
tur, est in-
certum.

Hoc ergo certum; quo autem modo locutio hæc perficiatur, res est incertissima, ut constat ex variis eam explicandi viis, ut disputationis decursu videbimus.

SECTIO PRIMA.

Modus loquendi per characteres à non-nullis rejicitur.

I.
Per quid
reddatur
Angelos
proximè po-
tentia ad au-
diendum.

UÆRIMUS itaque in præsenti quo pacto unus Angelus loquatur, & alius audiatur, per quid scilicet reddatur potens ad audiendum, cùm antea ad hoc non fuerit potes: quam rem meritò ait Suarez h̄c lib. 2. cap. 26. num. 3. semper obscurissimam Theologis visam.

II.
Angelos,
non præsen-
tem tamen,
sed absensem
alloqui po-
test.

Suppono Angelos non in præsenti solum, sed etiam in absentia, seu inter se distantes loqui posse; magna enim esset imperfectio Angeli, si cum nullo, nisi sibi presente, sermonem ferere posset. Præterea non posset duobus aut tribus inter se distantibus simul loqui, quod parum videtur credibile.

III.
Non est hic
sermo de quacumque ma-
nifestatione conceptuum, seu actuum vel intelle-
ctus vel voluntatis, vel per modum locutionis: Haec ergo in præsenti inquirimus, quo modo in-
ter Angelos contingat.

IV.
Volunt alii
qui loqui
Angelos per
signa qua-
dam corpo-
rea.

Prima sententia est, locutionem Angelorum fieri per signa quædam, ac nutus, per quæ conceptus suos sibi invicem declarant: per signa, inquam, corporea, in celo aut in aere efformata, ut infinitus Durandus, & inclinat Molina. Sed contrà: hoc enim dici nequit, possent namque Angelii inter se loqui, & de variis ad rem suam,

vel privatam, vel publicam spectantibus ser-
monem ferere, licet nulla res corporea esset
creata.

V.
Volunt alii hæc signa esse spiritualia, quæ lo-
quens vel imprimat ei, quem alloquitur, vel in se
quasi quosdam characteres efformat, quos alter
inficiens legat quasi ejus mentem, sicut nos in-
spiciendo chartam, ab alio scriptam, mentem ejus
cognoscimus.

VI.
Hic char-
acteres, nec
naturaliter,
videntes si-
gnificare
potest, nec ad
placitum.

Hoc tamen non parum videtur difficile: signa enim isthac vel significant naturaliter, vel ad placitum: non naturaliter, nec enim appetet, quo pacto illa sint signa naturalia carum rerum, qui buscum nullam aut connexionem habent, aut similitudinem: nec video quam majorum connexionem naturalem habeant hæc signa cum rebus, vel conceptibus Angeli, quam nostra signa externa cum rebus aut conceptibus nostris. Si vero significant ad placitum, ergo prius debuissent convenire Angeli, & de iis instituendis inter se colloqui, ergo alius est modus loquendi quam per hæc signa, nam ante eorum institutionem Angeli de iis sunt locuti. Deinde, si significant hoc modo ad placitum, non potest unus Angelus secretò quidquam alteri dicere, quin alii omnes intelligant, contra rationem vitez politicae.

SECTIO